

Ժողովուրդ

11 հունիսի երեքշաբթի 2024
տպագրության ԺԳ տարի

77
(2927)

Է. Երեան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՀՖՖ-Ե ՖՈՒՏԲՈՒԼԸ ՀԵՏԻՆ ՊԼԱՆ Է ՄՂԵԼ



Շատ ենք խոսել, որ Հայաստանի ֆուտբոլի ֆեդերացիայի ղեկավարության ոչ պրոֆեսիոնալ, հաճախ զարմանք առաջացնող գործելաճով հայկական ֆուտբոլը անդունդն է գլորվում: Պետությունից ստանալով հսկայական գումարներ՝ ՀՖՖ-ն սկսել է սպորտային միջոցառումներ հյուրընկալել ու դրանց անցկացման համար պետությունից հարկատուների հաշվին հարյուր միլիոնների գումարներ ստանալ, իսկ այդ միջոցառումներն ուղղակի կապ չունեն ֆուտբոլի զարգացման հետ: Օրինակ՝ ՀՀ կառավարությունը, մարտի 7-ի որոշմամբ, ՈՒԵՖԱ-ի ֆուտբոլի Չեմպիոնների լիգայի եզրափակիչ մրցաշարի անցկացման նպատակով ԿԳՄՍ-ին փոխանցեց 279 մլն 954 հազար դրամ: Մրցաշարը կայացավ, եզրափակիչ հանդիպումը մարդաշատ էր, սակայն կիսաեզրափակիչները՝ ոչ այնքան: Հասկանալի չէ, թե ինչու այդքան մեծ գումարներ տրվեց պետության կողմից մի միջոցառման, որը, մեծ հաշվով, ոչինչ չէր տալու: Իհարկե, միջոցառման կազմակերպիչները պատկառելի գումարներ աշխատեցին, բայց ֆուտբոլը չզարգացավ ու Հայաստանի ֆուտբոլային հեղինակությունը չաճեց: Հարց է օրինակ՝ եթե այդքան գումար տրամադրվեր սպորտային այլ ֆեդերացիայի, ապա ինչքան դրական արդյունքներ կունենային. բայց ոչ պետությունը միշտ պատրաստ է «անհասկանալի» գումարներ շաղ տալ որեւէ արդյունք չստացող ֆուտբոլի ֆեդերացիային, որտեղ որոշիչ պաշտոններում են ՀԺ-ի նախկին լրագրող Արմեն Նիկողոսյանը ու այժմ ՀՖՖ նախագահի պաշտոնը զբաղեցնող, նախկին լրագրող Արմեն Մելիքեյանը: Վերջինս, ի դեպ, ջերմ անձնական հարաբերություններ ունի ԿԳՄՍ նախարար Ժաննա Անդրեասյանի հետ, որը կառավարությունից խնդրեց այդքան մեծ գումար: Հիմա էլ ՀՖՖ-ն Production-ի վերածած Արմեններն իրենց հիմնական գործը ու հավաքականների խայտառակ ելույթները թողած՝ նոր զբաղմունք են գտել, այն է՝ Վրաստանի հետ համատեղ 2029 թվականին անցկացնել աշխարհի երիտասարդական առաջնությունը: Իհարկե, հաճելի է խոշոր միջոցառում հյուրընկալելը, սակայն պետությունը պետք է պարզաբանի, թե ինչու հարկատուների հաշվին խոշոր գումարներ է տալիս հատկապես ՀՖՖ-ին, ու որտեղ է հաշվարկը, ուսումնասիրությունը, որով պարզ կդառնա այդ գումարների արդյունավետությունը, դրա նպատակահարմարությունը եւ արդյոք ինչ ընկերություններ են մասնակցելու միջոցառումների կազմակերպմանը, շինարարական աշխատանքներին եւ այլն:

Շարունակությունը՝ ArmLur.am կայքում:

Սինչ «Հայփոստ» ՓԲԸ-ն գահավիժում է՝ արձանագրելով աստղաբաշխական վնասներ, այնտեղ հանգրվանած ՔՊ պատգամավորի կինը հերթական ֆինանսական «բարձունքն» է ապահովում: «Ժողովուրդ» օրաթերթը պաշտոնական փաստաթղթերից տեղեկացավ, որ Հայկ Կոնջորյանի կնոջ տարեկան աշխատավարձը «Հայփոստում» 2021-ին 6.8 միլիոն դրամ էր, 2022-ին՝ 9.5 միլիոն, ապա 2023-ին՝ արդեն 10.5 միլիոն դրամ: Ի դեպ, Շուշան Ալեքսանյանի աշխատավարձը 6 անգամ գերազանցում է կազմակերպության 3064 աշխատակիցների միջին աշխատավարձը, որոնց տարեկանը 1.8 միլիոն դրամ է՝ Ալեքսանյանի 10.5 միլիոնի համեմատ: Հիշեցնենք, որ Փաշինյանը իշխանության եկավ «թալանից փրկելու» լոզունգներով: Հ.Գ. Հիշեցնենք, որ «Հայփոստ» ՓԲԸ 100% բաժնետերեր ՀՀ կառավարությունն է:



«Տավուշը հանուն հայրենիքի» շարժման ակտիվությանը զուգահեռ՝ ՀՀ քննչական կոմիտեում շարունակվում է քննչական կոմիտեի ԱԱԾ քննիչների պաշտոնների բարձրացման գործընթացը: Երեկ Հայաստանի Հանրապետության քննչական կոմիտեի նախագահի հրամանով արդարադատության երկրորդ դասի խորհրդական Գեորգ Հայրապետյանը նշանակվել է ՀՀ քննչական կոմիտեի՝ պետության, սահմանադրական կարգի հիմունքների եւ հասարակական անվտանգության դեմ ուղղված հանցագործությունների քննության գլխավոր վարչության երկրորդ վարչության պետ՝ ազատվելով նույն վարչության պետի տեղակալի (ՀԿԳ ավագ քննիչ) պաշտոնից: Թե նշանակումները ինչ հետեւանք կունենան ակցիայի մասնակիցների գործողությունների վրա, ցույց կտան իրադարձությունները: Փաստ է մեկ բան՝ նախաքննական մարմինը ուժեղացնում է դիրքերը նոր պաշտոնների նշանակումներով:



Ի շխող «Քաղաքացիական պայմանագիր» խմբակցությունում որոշում կա՝ ընդդիմության նախաձեռնած կառավարության հրաժարականի օրակարգով նիստին քվորում չապահովելու ու նիստը տապալելու: Այսպիսով, ինչպես արդեն հայտնել ենք, երեկ ընդդիմադիր «Հայաստան» եւ «Պատիվ ունեն» խմբակցությունները հունիսի 11-ին կառավարության հրաժարականի եւ նոր կառավարություն ձեւավորելու օրակարգով արտահերթ նիստ հրավիրելու նախաձեռնությամբ էին հանդես եկել: Աժ խորհրդի նիստին, սակայն, ՔՊ-ն միաձայն մերժեց այսօր արտահերթ նիստ հրավիրելու նախաձեռնությունը: Օրենքի ուժով՝ արտահերթ նիստը կկայանա հաջորդ երկուշաբթի՝ հունիսի 17-ին: Արդեն իսկ կա Աժ նախագահի կարգադրություն այդ մասով: «Ժողովուրդ» օրաթերթը տեղեկացավ, որ երեկ՝ Աժ խորհրդի նիստից հետո, ՔՊ-ն խմբակցության նիստի ժամանակ եւս այս հարցը քննարկել է: Հայկ Կոնջորյանը հայտարարել է, որ իրենց օրակարգում կառավարության հրաժարականի հարց չկա. ուստի այդ օրը չեն գնա եւ քվորում չեն ապահովի, այսինքն՝ կտապալվի նիստը: Ընդ որում, ՔՊ-ում տարաձայնություններ այս մասով չեն էլ եղել, բոլորը միաձայն այն կարծիքին են եղել, որ ընդդիմության նախաձեռնած նիստը՝ կառավարության հրաժարականի հարցով, չպետք է կայանա, որքան մարդ ուզում է հավաքվի փողոցում:



ՔԱՂԱՔԱԿԱՆ

ԶՐՈՒՅՑ

«ՔԱՂԱՔԱԿԱՆ ԿԱՐՃ ԿԵՆՏՐԱԳՐՈՒԹՅՈՒՆ ՈՒՆԵՆ», ՄԱՆՈՒԿՅԱՆ

Հունիսի 9-ին ժամը 18:30-ին, Հանրապետության հրապարակում մեկնակետ «Տավուրը հանուն հայրենիքի» բարձրագույն վճռադատության նախագահի կողմից:

Շարժման մասնակիցները երթով շարժվեցին դեպի Բաղրամյան պողոտա եւ լարված իրավիճակից ու վիճաբանությունից հետո գիշերեցին Բաղրամյան-Դեմիրճյան խաչմերուկների հատվածում:

ArmLur.am-ը գրուցել է ՀՀ ԱԺ «Հայաստան» խմբակցության պատգամավոր Գեղամ Մանուկյանի հետ: Զրուցել ենք իշխանական պատգամավորների հայտարարությունների, իմպիչմենտի գործընթացի, «Շարժման» պահանջների եւ այն հաջողելու քայլերի մասին:

Պարոն Մանուկյան, հունիսի 9-ին Բաղրամ Սրբազանը հայտարարեց, որ իմպիչմենտի եւ Նիկոլ Փաշինյանին անվտանգություն հայտնելու նախագիծը արդեն իսկ Ազգային ժողովի օրակարգ պետք է մտնի. սակայն, եթե նույնիսկ օրակարգ մտնի, պետք է «Քաղաքացիական պայմանագիր» խմբակցությունից 18 ձայն եւս: Ինչպե՞ս եք պատրաստվում իրագործել այս նախագիծը եւ հասնել արդյունքի:

Իրականում հանրային տրամադրությունների արտահայտությունն է դա: Հունիսի 9-ին արդեն «Հայաստան» ու «Պատիվ ունեն» խմբակցությունների պատգամավորները ստորագրել են այդ օրակարգի համար, այսօր (խմբ.) ժամը 16:00-ին, կայանալու է Ազգային ժողովի խորհրդի նիստը, եւ այդ օրակարգով Ազգային ժողովի օրակարգում արտահերթ նիստ գումարելու առաջարկն է լինելու, բայց, կրկնում եմ, հանրային ճնշում, հանրային տրամադրությունների ազդեցությունը, վստահ եմ թողնում էլ լավ հասկանում եմ: Սա հերթական փորձերից մեկն է՝ այս ամբողջ ընթացքը կասեցնելու: Բոլոր գործիքակազմերը պետք է օգտագործվեն:

Պարոն Մանուկյան, իշխանական պատգամավորները հունիսի 9-ին՝ երթի ընթացքում էլ պարբերաբար ծաղրում էին, ասում էին՝ «Մեկ անգամ մեկ ժամ ժամանակ տվեցին Նիկոլ Փաշինյանին, հետո ավելացրին 15 րոպե, հիմա՝ 96 ժամ...ինչի՞ համար են հիմա այստեղ սպասում, եթե նախկինում տրված ժամանակներն այդպես էլ արդյունք չունեցան»:



Գիտեք, նրանցից մեծ մասն այն տարիքում է որ չի ունեցել քաղաքական լուրջ կենսագրություն, նրանք չեն տեսել թե մի քանի տարի առաջ ինչ է կատարվել Հայաստանում: Ես իմ քաղաքական գործունեության 30 եւ ավելի տարիների ընթացքում այնպիսի ամբարտավան իշխանությունների եմ տեսել, որոնք մի գիշերվա մեջ այնպես են ճամբարափոխ եղել, որ դժվար է անգամ պատկերացնել: Ինքս 1991 թվականից քաղաքական գործընթացների մեջ եմ, երբ այդ տարի Բաղրամյան պողոտայում նստացույց էր, մասնակցում էի այդ ակցիային եւ ընդամենը 21 տարեկան էի:

Պարզապես գործող իշխանության ներկայացուցիչներից շատերի քաղաքական կենսագրությունն այնքան կարճ է, որ չունեն այդ հիշողությունը:

Այսինքն՝ չե՞ն կարող բավարարող մեկնաբանություն տալ ստեղծված իրավիճակին:

Ոչ, պարզապես մի ամբարտավանություն է մտած իրենց մեջ, որ փուչիկի նման ամեն վայրկյան կարող է պայթել:

Պարոն Մանուկյան, ընթերցե՞մ «Քաղաքացիական պայմանագիր» խմբակ-

ցության պատգամավորներից մեկի հայտարարությունը՝ ժամեր առաջ (խմբ.) հրապարակված. Սոնա Ղազարյանն է գրել: «Ո՛վ կմտածեր, որ հենց հերթական նիստերի հայտարարության ժամը կարելի էր ներկայացնել շարժման հանգուցալուծում արտահերթ նիստ

ԱԺ կանոնակարգ սահմանադրական օրենք Յոդված 40 Յերթական նիստերի ընթացքը

3) հերթական նիստերի երեքշաբթի օրվա վերջին հիմնական նիստում, որի ընթացքում պատգամավորները կարող են հանդես գալ հայտարարություններով...»

Ներողություն եմ խնդրում, այդ պատգամավորը երիտասարդ կին է, ամոթ է պարզապես... Սրբազանի լեզվական սայթաքումը, հասարակ վրիպակն էր պարզապես պատճառը, որ ժամային այդ գրաֆիկն է նշել. սակայն դա դարձնել ֆեյսբուքյան «ստատուս», մի՞թե դա քաղաքական գործի մակարդակի գործողություն է:

Լավ կլիներ այս պարագայում ավելի լուրջ դրսեւորել իրենց:

Զրուցեց ՀՄՍՍ ՍԻՔԱՅԵԼՅԱՆԸ



«ՀԱՄԵՆԵԼՈՒ ԵՆՔ ԼՈՒԾՄԱՆ».

Հ. ՄԱՄԻՋԱՆՅԱՆ

Մերժման համար որեւէ տրամաբանական պատճառաբանություն չի բերվել բացառությամբ մեկի:

Այս մասին լրագրողների հետ զրույցում ասաց «Պատիվ ունեն» խմբակցության ղեկավար Հայկ Մամիջանյանը՝ անդրադառնալով ԱԺ խորհրդակցական նիստի ժամանակ ընդդիմադիր խմբակցությունների՝ արտահերթ նիստ անցկացնելու առաջարկին:

«Իրենք համարում են, որ մեր երկրում ամեն ինչ նորմալ է: Գյուղեր են հանձնվում, մարդիկ են փողոցում ծեծվում, մարդիկ դառնում են քաղաքատարկյալ, ու դա իրենք համար նորմալ է: Միայն մեկ լուծում կա. իրենք պիտի լսեն ու կլսեն, որ երկրում ամեն ինչ նորմալ չէ ու հաշվի կկատեն ժողովրդի ցանկության հետ: Դրա պատասխանը դրսում Բաղրամ Գալստանյանը տալիս է: Այս առաքելությանն այլընտրանք չկա», - ասաց Մամիջանյանը:

Անդրադառնալով Սրբազանի՝ 96 ժամում հարցը լուծելու մասին հայտարարությանը, Մամիջանյանն ասաց. «Մինչեւ այդ շատ ջրեր կարող են հոսել, գուցե 96 ժամ հետո հարցը դեռ լուծված չլինի, բայց ակնհայտ լինի, որ հասնելու ենք լուծման»:

ԿԱՆԽԵԼ Է ՊԵՏՐ ԱՐԱՏԱՎՈՐ ԸՆԹԱՑՔԸ

«Մենք այլեւս չենք խոստելու սահմանազատում, սահմանազծում տերմիններով: Հայրենիք հանձնելու մասին է այս ամբողջ պատմությունը»: Այս մասին երեկ՝ հունիսի 10-ին, Բաղրամյան պողոտայում ցուցարարներին ասաց Բաղրամ Սրբազանը:

«Եթե չկանխենք, շարունակաբար է դառնալու. Վերին Ոսկեպար, Ազատամուտ են հասնելու: Ամեն ինչ հանձնելու են իրենց աթոռը պահելու համար: Սա մեր երկրի պատկերն է: Կասեցնելու պահանջը մեկն է՝ այս մարդու հեռացումը», - հավելեց նա:

«Երկուշաբթի օրով՝ աշխատանքային ժամին այսքան մարդու ներկայությունը արդեն իսկ վկայում է այն մասին, որ մեր երկրում փոփոխությունների գործընթացները չեն ավարտվելու: Ի հեճուկս բոլոր զազարխոսների՝ չեն ավարտվելու: Դուք այնքան խորությամբ եք այդ ցավը հասցրել մարկանց, այնքան բազմակողմանի, որ այդ գործողությունների ընթացքը չի ավարտվելու», - ասաց նա՝ նշելով, որ իրեն չի հուզում, թե ինչ վերագրումներ են անում իշխանության ներկայացուցիչները:

«Թող ասեն, որ մարդկանց բախումների ենք տանում: Բախում հրահրողն էլ եք դուք, անօրեն գործողն էլ եք դուք, մարդկանց խաբած՝ քվեով այդ փափուկ աթոռներին հայտնվածն էլ եք դուք», - ասաց նա:

ԼՈՒՈՒՐ

ԱՌԱՋԱՐԿԸ ՄԵՐԺՎԵՑ, ԲԱՅՑ ՆԻՍՏԸ ԿԿԱՅԱՆԱ

«ԱԺ խորհրդի մեծամասնության կողմից հերթական անգամ մերժվեց մեր առաջարկը»: Այս մասին լրագրողների հետ զրույցում ասաց «Հայաստան» խմբակցության ղեկավար Սեյրան Օհանյանը:

«Ոչ մի հիմնավորում չկար, մենք ասել ենք, որ այս իրավիճակը քննարկման համար անհրաժեշտություն է, որովհետեւ մեր ժողովրդի մի մասը դժգոհ է այս իշխանությունից՝ ելնելով նրանից, որ իշխանությունները չեն կատարում 2021-26 թթ. կառավարության ծրագիրը: Նախագիծը մերժվել է, բայց իրավունքի ուժով որպես արտահերթ նիստ այն կայանալու է ամսի 17-ին », - ասաց Օհանյանը:

Վերջինս նշեց, որ ունեցել են 27 ստորագրություն, ինչը խնդիրներ չի ստեղծել,

իսկ բացակա պատգամավորները չեն մասնակցել, քանի որ հուղարկավորության են մասնակցել:

ՇԱՐԺՈՒՄԸ ԹԱՓ ՀԱՎԱՔԵԼՈՒ ՊՐՈՑԵՍՈՒՄ Է

«Համբերություն է պետք, որ շարժումն ունենա հաջողություն»: այս մասին լրագրողների հետ զրույցում ասաց «Այլընտրանքային նախագծեր» խմբի անդամ Վահե Հովհաննիսյանը:

«Ստրատեգիական համբերությունը շատ կարեւոր է, եթե մենք ունենանք համբերություն, հաջողություն ունենալու ենք: Հայաստանում ստեղծվել է լուրջ ճգնաժամ, ստեղծվել է լուրջ ներհանրային, տոքսիկ մթնոլորտ եւ ստեղծվել է լուրջ լարվածություն մեր սահմաններին, ու այս ճգնաժամը պետք է հաղթահարվի: Ճգնաժամի հաղթահարման միակ ճանապարհը

նոր իշխանությունն է: Նոր սոլիդ իշխանություն, որը կփորձի խաղաղություն բերել երկրի ներսում եւ սահմաններին», - ասաց Հովհաննիսյանը:

Նրա խոսքով՝ «շարժումն» ընթանում է բավականին գրագետ: «Ես կարծում եմ «շարժումը» դիմադրական թափ հավաքելու պրոցեսում է եւ դեռ չի հասել իր պիկին, ունի կոնսոլիդացիոն մեծ ռեսուրս, նոր սոցիալական շերտեր են միանալու», - նշեց նա:

Ինչ վերաբերում է իշխանությանը, Հովհաննիսյանը նշեց, որ այս շարժումը նրանց համար լավ շանս է՝ սահուն, անցնելու, խաղաղ, բանակցային ճանապարհով իշխանության հանձնման համար: «Այս երկրին ոչ ցնցում է պետք, ոչ արյուն, ոչ նոր լարվածության փուլեր են պետք: Եթե նրանց հաշվարկը շարժումը ինչ-որ պահից մարելն է, բա դրանից հետո ի՞նչ է լինելու, դրանից հետո լինելու է ռադիկալիզացիա», - ասաց նա:

Ըստ նրա՝ շարժման նկատմամբ նաեւ բավականին դրական արտաքին ֆոն կա:

ԻՐԱՎԻՃԱԿ

ՎՃՌՈՐՈՇ ԶԱՆՐԱՅԱԿԱԸ

ԱՐՏԱՔԵՐԹ ՆԻՍՏ՝ ԺՈՂՈՎՐԴԻ ՈՐՈՇՄԱՄԲ

ԿԿԱՆՔՆԵՆ ԸՆԴՈՒՄԻՆ ԿՐԻՍՏՈՍԻ ԱՌԱՋ

Լեհաստանը Ռուսաստանը դիտարկում է որպես սպառնալիք, որը չի կարելի անտեսել, Վարշավայում լրագրողների հետ զրույցում ասել է երկրի արտգործնախարար Ռադոսլավ Սիկորսկին:

Արեւմտյան առաջնորդները վերջերս հայտարարեցին, որ լրջորեն քննարկում են ՆԱՏՕ-ի սահմանային երկրների վրա՝ Ռուսաստանի հարձակման սպառնալիքը:

Սիկորսկին համաձայն է այս մտահոգությունների հետ: «Եթե Ուկրաինան ընկնի, Լեհաստանը և Բալթյան երկրները ռուսական հարձակման անմիջական սպառնալիքի առաջ կկանգնեն»,- ասել է նա: Նրա խոսքով՝ Լեհաստանի իշխանությունները սկսել են ամրացնել սահմանը և պաշտպանության վրա ծախսում են ՀՆԱ-ի 4 տոկոսը:

Անցյալ շաբաթ, արտասահմանյան լրագրողների հետ զրույցում, ՌԴ Լախազահ Վլադիմիր Պուտինը «անհեթեթություն» անվանեց ՆԱՏՕ-ի երկրների վրա հարձակվելու՝ Ռուսաստանի ծրագրերի մասին խոսակցությունները:

Խոսելով Ռուսաստանի հետ ապագա հարաբերությունների մասին՝ Սիկորսկին ասել է, որ «Լեհաստանի իշխանությունները բոլոր ժամանակներին չեն նույնացնում Պուտինի ռեժիմի հետ» և «չեն կորցրել հավատն ապագայում ժողովրդավարական Ռուսաստանի ի հայտ գալու հարցում»:

«Ռուսաստանը միշտ կմնա մեր ամենամոտ հարեւանը, և մենք հուսով ենք, որ այն կլինի խաղաղ և բարեկամական հարեւան», - ընդգծել է Լեհաստանի արտգործնախարարը:

ԳԱԳԱԹՆԱԺՈՂՈՎԻՆ 90 ՊԵՏՈՒԹՅՈՒՆ Է ԳՐԱՆՑՎԵԼ

Շվեյցարիայի Նախագահ Վիոլա Ամհերդը հայտնել է, որ Ուկրաինայի հարցով Խաղաղության գագաթնաժողովին մասնակցելու համար գրանցվել է 90 պետություն: Այն տեղի կունենա Շվեյցարիայի Բյուրգենստոկ քաղաքում հունիսի 15-16-ը, գրում է kommersant.ru-ն:

«Այսօրվա դրությամբ գրանցվել է 90 երկիր, որոնց կեսը Եվրոպայից և 3-ը՝ Ասիայից: Ամերիկայից են, մյուս կեսը՝ 3արավային Ամերիկայից, Աֆրիկայից, Մերձավոր Արևելքից և Ասիայից», - ասել է Ամհերդը:

Ուկրաինա ամբողջով, հանդիպմանը հրավիրվել է ավելի քան 120 պետություն, այդ թվում՝ Գ7-ի, ԲՌԻԿՍ-ի և Գ20-ի ներկայացուցիչներ: Ռուսաստանը գագաթնաժողովին հրավիրված չի, ինչի պատճառով էլ Կրեմլն անօգուտ է համարում առաջիկա իրադարձությունը:

Չինաստանը հրաժարվել է այցելել՝ պնդելով Ռուսաստանի մասնակցությունը: Ռուսաստանի արտգործնախարար Սերգեյ Լավրովը Չինաստանի արտգործնախարար Վան Յիի հետ բանակցությունների ժամանակ շնորհակալություն է հայտնել Պեկինի Ուկրաինայի հարցով շվեյցարական գագաթնաժողովին ջանասակցելու որոշման համար: Նախարարները հանդիպել են Նիժնի Նովգորոդում ԲՌԻԿՍ-ի արտգործնախարարների հանդիպման շրջանակում:


Հանրադատության հրապարակում «Եվրոման» առաջնորդ Բագրատ Սրբազանը հայտարարեց. «Աժ ընդդիմադիր խմբակցությունները հունիսի 11-ին ժամը 16:30-ին նախաձեռնում են խորհրդարանի արտաքին գիտնականության հրաժարականի և նոր խորհրդարանի ձևավորելու օրակարգով»:

Նա Հանրապետության հրապարակում ակցիայի մասնակիցներին ներկայացրել է քայլերի հաջորդականությունը.

«Հասկանում ենք, որ հուսալով այս մարդկանց բարոյական վերջին նշույլների վրա՝ խնդիրը լուծել չենք կարող: Մենք այս պահին պետք է որոշում ընդունենք, մենք կարող ենք խնդիրը լուծել, եթե վաղվանից սկսած՝ ընդամենը 4 օր, 96 ժամ, առանց դադարի, առանց աշխատանքի գնալու, առանց հանգստի, առանց երկար-բարակ քննելու, լինենք փողոցում և մեր կամքը պատահրենք»:

Այս մարդուն առաջարկել ենք հրաժարական տալ, հանդիպել ու քննարկել. քննարկել անցնում հեռանալու պայմանները, որոնք անտեսվել են: Ես ձեր առջեւից՝ այստեղ կանգնած, դիմում եմ Աժ բոլոր խմբակցություններին: Մեր պահանջով՝ Աժ ընդդիմադիր պատգամավորները, խմբակցությունները նախաձեռնում են խորհրդարանի նիստ հունիսի 11-ին՝ 16:30-ին կառավարության հրաժարականի և նոր կառավարություն ձեւավորելու օրակարգով», - ասաց Բագրատ Սրբազանը:

Նրա խոսքով՝ հունիսի 10-ին Աժ-ի խորհուրդը ժողովրդի որոշմամբ՝ պարտավոր է որոշում ընդունել արտահերթ նիստ հրավիրելու մասին. քաղաքական մեծամասնությունը, ԶՊ պատգամավորները պարտավոր են ենթարկվել ժողովրդի կամքին, գործել անձնական խղճով և համոզմունքով: Բագրատ Սրբազանը ներկայացրեց նաեւ երրորդ քայլը. «Համաժողովրդական պահանջի հիման վրա՝ խորհրդարանը իր արտահերթ նիստով հավանություն է տալիս գործող կառավարության հրաժարականին և նոր



կառավարություն ձեւավորելու որոշմանը»:

Բագրատ Սրբազանի առաջնորդած «Տավուշը հանուն հայրենիքի» շարժումը հայտարարություններից հետո քայլերով շարժվեց դեպի Բաղրամյան պողոտա: Իրավիճակը կտրուկ լարվեց Բաղրամյան, Ղեմիլոյան և Պռոշյան փողոցների հատվածում: Լեզվակոխի և վիճաբանություն սկսվեց Բագրատ Սրբազանի և ՀՀ ոստիկանապետ Արամ Հովհաննիսյանի միջև: Ոստիկանական ուժերը արգելեցին Ազգային ժողովի պատգամավորներին մտնել խորհրդա-

րան՝ ասելով, որ սա իրենց անվտանգության համար է արվում:

Իրավճակը լարվեց, քայլերի մասնակիցները որոշում կայացրին գիշերել Ազգային ժողովի հարակից՝ Բաղրամյան-Ղեմիլոյան խաչմերուկների հատվածում:

Աժ-ի դիմաց գիշերը, համեմատաբար, խաղաղ էր անցել. քաղաքացիները շարունակում են մնալ վրաններում:

Երեկ՝ հունիսի 10-ին Աժ խորհուրդը մերժեց ընդդիմադիր պատգամավորների ներկայացրած միջնորդությունը:

ԱՆՆԱ ՍՈՒՊԻՆՅԱՆ

ՕՐՎԱ ԽՃԱՆԿԱՐ

ԱՆԴՐԱԳԱՐՉ՝ Ա. ՄԻՄՈՆՅԱՆԻ ՃԵՊԱԶՐՈՒՅՅԻՆ

«Ալեն Սիմոնյանի երեկվա ճեպագրույցը նման էր դավադրության մեջ ներքաշված, բայց դեռուս պատասխանատվության չենթարկված մարդու «հաթաթաների»»: Այս մասին facebook-ի իր էջում երեկ գրել էր պաշտպանության նախկին փոխնախարար Արտակ Զաքարյանը:

«Արտաքին քաղաքական թեմաների վերաբերյալ նրա ճամարտակություններին չարժեք անդրադառնալ, քանի որ դրանց հետեւանքները առավել քան ողբերգական են: Հենց իրենց «վարած արտաքին քաղաքականությունն» է նաեւ պատճառներից մեկը, որ Նիկոլի ու ԶՊ վարկանիշը վախվորած թաքնվել է ոստիկանության վահանների հետեւում:

Ժողովրդի մասին Ալենի դատողությունները եւս կեղծ են ու անիրատեսական: Ժողովրդի ճնշող մեծամասնությունն այլեւս իրենց հենարանը չեն: Գուցե ժողովրդի մի մասը նաեւ ընդդիմության հետ չեն, բայց հաստատ ծափահարելով տոնելու են կա-

պիտույացիայի և նսեմացման դեմ պայքարող ժողովրդական հատվածի հաղթանակը:

Քաղաքական օրակարգերի մասով՝ Ալենը կրկին սխալվում է: Կյանքը ցույց է տալիս, որ հենց ընդդիմությունն ունի հրապարակված օրակարգ՝ բաղկացած մի քանի կետերից: Իսկ Նիկոլի և Ալենի քաղաքական օրակարգի բացակայությունն աննառու է. աղբրեջանական միակողմանի պահանջների կատարում, խաղաղության խոստման ծախսում, հայկական կամ խաղաղության խաչմերուկի ֆիկցիա (չգոյություն), քարոքանք եղած ասֆալտապատում և ոստիկանության ռեսուրսից կառչած իշխանություն:

Ալենը իր ճեպագրույցում Բագրատ Սրբազանին «իրավունք վերապահեց» աղոթքներ հնարել: Կարծում եմ՝ վատ խորհուրդ չէ, որովհետեւ Զրիստոնեությունն այնքան ներողամիտ է հոմանիստական հավատք է, որ գուցե նաեւ հայրենիքի դեմ գործած դավադրության ապաշխարիության աղոթք եւս պետք է ունենա: Գուցե:

Ինչ վերաբերում է Սերժ Սարգսյանի և Ռոբերտ Քոչարյանի «մերժված լինելու» մասին Ալեն Սիմոնյանի հերթական դա-

տողություններին՝ ապա պետք է խորհուրդ տամ՝ պլաստիկական փոխեք: Արդեն չեն աշխատում ձեր մանիպուլյացիաները: Հայ ժողովրդին խաբելու և մոլորեցնելու ձեր ռեսուրսները վաղուց սպառվել են: Ժամանակն արդարեցրել ու ցույց է տվել, թե ով ի՞նչ է արել մեր երկրի ու ժողովրդի համար», - գրել է Զաքարյանը:

ՀՀ-ԱՄՆ ՌԱԶՄԱՎԱՐԱԿԱՆ ԵՐԿԽՈՍՈՒԹՅԱՆ ԱՄՓՈՓԻՉ ՆԻՍՏԸ

Հունիսի 11-ին Երեւանում տեղի կունենա ՀՀ-ԱՄՆ ռազմավարական երկխոսության ամփոփիչ նիստը:

ՀՀ ԱԳՆ-ից տեղեկացնում են, որ նիստի շրջանակում ՀՀ ԱԳՆ-ում կկայանա ՀՀ ԱԳ նախարար Արարատ Միրզոյանի և Եվրասիայի հարցերով տեղակալ Ջեյմս Օ'Բրայենի հանդիպումը, որին կհաջորդի երկխոսության՝ երկու երկրների պատվիրակությունների մասնակցությամբ ընդլայնված կազմով անցկացումը:

ՆԱԽԱՔՆՆՈՒԹՅԱՆ ԸՆԹԱՅՔ

ԽԱԽՏՎԵԼ ԵՆ ՊԱՇՏՊԱՆՅԱԼՆԵՐԻ ԻՐԱՎՈՒՆՔՆԵՐԸ

2024թ. հունիսի 10-ին կայացավ Վահան Քերոբյանի լուսավորչական ժողովը...



Պաշտպան Տիգրան Եգորյանը նշեց, որ նախաքննության մարմնի կողմից արված աշխատանքը...

հետապնդման: Պաշտպանները նաեւ նշեցին, որ նախաքննության ընթացքում բազմիցս խախտվել են Վահան Քերոբյանի, ինչպես նաեւ մյուս անձանց իրավունքները:

ՔՆՍՐ ՍՍՆՈՒԿՅԱՆ

ԼՈՒՐԵՐ

ՈՎ Է ԿՅԱՆՔԻՑ ԶՐԿՎԱԾ ԵՐԻՏԱՍԱՐԳԸ

Երեւանի կենտրոնում Սարյան փողոցում, որտեղ անցկացվում է «Գինու փառատոնը»...

ՔԿՐ-ՆԵՐՈՒՄ ՀԱՅՏՆԱԲԵՐՎԱԾ ՀԱՆՁՆՈՒՔՆԵՐԸ

ՀՀ ԱՆ քրեակատարողական ծառայության կողմից շարունակվում է պայքարը քրեակատարողական հիմնարկներ թմրամիջոցների եւ արգելված իրերի ներթափանցման, ինչպես նաեւ ազատազրկված անձանց կողմից դրանց պահման եւ ապօրինի շրջանառության դեպքերը բացահայտելու եւ կանխելու ուղղությամբ:

ՔՐԵԱԿԱՆ ՔՐՈՆԻԿՈՍ

ՄԱԼՈՒԽՆԵՐԻ ԳՈՂՈՒԹՅԱՆ ԳԵՊԸ

Հունիսի 6-ին ոստիկանության Մուշի բաժին հաղորդում էր տվել բջջային օպերատորներից մեկի աշխատակիցը եւ հայտնել, որ հունիսի 4-ից հունիսի 6-ն ընկած ժամանակահատվածում Գյումրի քաղաքի Վազգեն Սարգսյան փողոցում գտնվող դիտահորից գողացել են ԲԲ ընկերությանը պատկանող մալուխները:

Ոստիկանության Մուշի բաժնի քրեական հետախույզները, ձեռնարկած օպերատիվ-հետախույզական միջոցառումների արդյունքում, պարզել են, որ գողությունը կատարել է տուրք փողոցի բնակիչ 40-ամյա տղամարդը:

վերածել պղնձի եւ հանձնել գույնավոր մետաղների ընդունման կետ:

40-ամյա տղամարդը, գույնավոր մետաղների ընդունման կետի սեփականատերը եւ գողոնը ներկայացվել են վարչապետ իրականացնող մարմին:

«000 00 00» ՀԱՄԱՐԱՆԻՇՆԵՐՈՎ «ՎՈՅՄԺՆԵՐԻ ՄԵՋ Է»

Մարտի 13-ին ՊԾ Երեւան քաղաքի գնդում օպերատիվ տեղեկություններ էին ստացվել, որ «Mercedes G 63» մակնիշի «000 00 00» համարանիշի ավտոմեքենայի վարորդը այն վարում է ոչ սթափ վիճակում:

Տեղում Երեւանի գնդի հրամանատար Անդրանիկ Իսախանյանի, գումարտակի հրամանատար Արսեն Ստեփանյանի,

գումարտակի հրամանատարի տեղակալ Դավիթ Նիկողոսյանի եւ վաշտի հրամանատար Վլադիմիր Դերձյանի գլխավորությամբ պարեկները դուրս են գալիս ենթադրյալ երթուղու վայր ու ժամը 00:45-ի սահմաններում Թեւոսյան փողոցում նկատում են կասկածելի մեքենան:

Պարեկները կազնեցնում են այն, եւ վարորդը սթափության փորձաքննության է ենթարկվում ու պարզվում է, որ նա մեքենան վարել է ոչ սթափ խմածության ամենաբարձր աստիճանի վիճակում:

Ինչպես արդեն գրել էինք, համարանիշները պատկանում է Գորիսի համայնքապետ Առուշ Առուշանյանի հորը՝ Գագիկ Առուշանյանին:

Մենք տեղեկացանք, որ Առուշանյանը մեկ տարով գրկվել է ավտոմեքենա վարելու իրավունքից:

Եվ ահա, մեկ տարի մեքենա վարելու իրավունքից զրկված Առուշ Առուշանյանը Երեւանում «000 00 00» համարանիշի ավտոմեքենայով «վոյաժներ» մեջ է:

● Ըստ ոստիկանության տվյալների՝ հունիսի 7-ից 10-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 150 դեպք, որից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՈՐՔԱՆ ՓՈԽՐԱՏՈՒՑՈՒՄ Է ՏԻՎԵԼ

Կիրանց գյուղի բնակչուհի Խանում Թամրազյանի տունը համապարտաբար Միեր Սիմոնյանի տան նման սահմանազատման հետեանքով անցնելու է Արթուրյանին: Միեր Սիմոնյանը քանդում է Արթուրյանին հանձնվելիք իր տունը...

ՀԱՄԱՅՆՔԱՊԵՏԸ ՀՈՂ Է ԾԱԽԵԼ ՀԱՐԱՋԱՏ ԵՂՔՈՐԸ

Նախկինում բեկազլակայանում որպես վառելիքի լիցքավորող աշխատած, Դիլիջանի պետական քոլեջի շրջանավարտ, այժմ Եվրոպական համալսարանում հեռակա սովորող անձնական գործում իր սեռը «արու» գրած, Նիկոլ Փաշինյանի որոշմամբ՝ 2021 թ. փետրվարի 26-ին Դիլիջանի համայնքի ղեկավարի պաշտոնակատար նշանակված Դավիթ Սարգսյանը կասկածելի աճուրդներով, Դիլիջան քաղաքից շուկայականից զգալի էժան գներով հողեր է օտարել Երեանի, Վանաձորի, Իջեանի բնակիչների: Այս անգամ Դավիթ Սարգսյանը Դիլիջան քաղաքից հող է ծախել իր հարազատ եղբոր՝ Սասուն Սարգսյանին: Դիլիջանի համայնքապետարանի ինտերնետային կայքը տեղեկացնում է, որ Դիլիջանի համայնքի ղեկավար Դավիթ Սարգսյանի՝ 2024 թ. մայիսի 2-ի թիվ 538-Ա որոշմամբ՝ 2024 թ. հունիսի 3-ին աճուրդի է ներկայացվել Դիլիջանի համայնքի սեփականությունում հանդիսացող Բնակավայրերի հողերից 1650.0քմ հողամաս (Լուս-38 (Ք3-24)) Դիլիջան քաղաքի, Թբիլիսյան խճուղի թիվ 11/4 հասցեում հասարակական նշանակության օբյեկտի կառուցման նպատակով, 11550000 դրամ մեկնարկային գնով: Կայացած աճուրդում 11550000 դրամ առավելագույն գնով հաղթել է Դիլիջանի համայնքի, Հաղարծին գյուղի, 10-րդ փողոց, 1-ին փակուղու թիվ 1 տան բնակիչ Սասուն Սարգսյանը, որի մասին Դիլիջանի համայնքի հողամասերն աճուրդային կարգով օտարող հանձնաժողովի կողմից կազմվել է թիվ 8 արձանագրությունը: Ուշագրավ է, որ աճուրդում հողամասի մեկնարկային եւ առավելագույն գինը նույնն է՝ 11550000 դրամ: Ինչպես ջահել, ընդդիմադիր Նիկոլ Փաշինյանը կասել է՝ «Կոռուպցիան, հո պոզով-պոզով կենդանի չէ, կոռուպցիան հենց սա է, որ կա»: ՈՍՎԻՆ ՄԱՐԳԱՅԱՆ Տավուշ

ԾՐԱԳԻՐ

ՏԵԽՆԱԾԻՆ ԱՂԵՏՆԵՐԻ ՀԻՄՆԱԽՆԴԻՐՆԵՐ

ՀՀ ԳԱԱ-ում բնարկվեց հայկական առաջին գեոդարկի ստեղծման ծրագիրը:

Սույն թվականի հունիսի 5-ին ՀՀ ԳԱԱ նախագահությունում տեղի ունեցավ ՀՀ ԳԱԱ սեյսմաբանության, սեյսմակայուն շինարարության, բնական եւ տեխնածին աղետների հիմնախնդիրների խորհրդի նիստը: Նիստին մասնակցեցին ՀՀ ԳԱԱ նախագահ, ակադեմիկոս Աշոտ Սաղյանը, ՀՀ ԳԱԱ նախագահության անդամներ, խորհրդի անդամները, ՀՀ շրջակա միջավայրի նախարարության, ԵՊՀ-ի, Վայոց ձորի մարզպետարանի ներկայացուցիչներ: Քննարկվեցին Հայաստանում գեոդարկի ստեղծման նախադրյալները:



Ներքե էլ լանդշաֆտները կառավարվում են հետազոտական, պահպանման, կրթական եւ կայուն զարգացման ամբողջական հայեցակարգով՝ ընդգրկելով տեղական համայնքների ուժերն ու հնարավորությունները»,- ասաց Արա Ավագյանը:

Վերլուծելով հարուստ երկրաբանական ժառանգությունը, ինչպես նաեւ գեոդարկերի ստեղծման միջազգային փորձը՝ առաջարկվել է ստեղծել ոչ թե ընդհանրական երկրաբանական հուշարձանների գեոդարկ, այլ՝ մասնագիտացված:

Գեոդարկը կընդգրկի տարածքներ հիմնականում Վայոց ձորի եւ Գեղարքունիքի մարզերից, փոքր հատվածներ կներառի նաեւ Կոտայքի եւ Արարատի մարզերից:

«ՀՀ տարածքը ենթակա է բազմաթույթ երկրաբանական վտանգների ազդեցությանը: Ուստի երկրաբանական վտանգներով մասնագիտացված գեոդարկի ստեղծումը կունենա նաեւ պաշտպանական նշանակություն»,- նշեց Արա Ավագյանը:

Նորաստեղծ հայկական գեոդարկը կառանձնանա նրանով, որ համեմատաբար սահմանափակ տարածքում կունենա երկրաբանական վտանգների տարբեր ոլորտների վերաբերող օրինակներ՝ ակտիվ տեկտոնական խզվածքներ, սողանքներ, նորագույն հրաբխականություն, հիդրոէներմալիզմ, լճային տրանսպորտ, գանգվածային ոչնչացման մասին վկայող շերտագրություն եւ այլն:

«Այս հանգամանքը հայկական առաջին գեոդարկին կտա բացառիկություն, առավել եւս, որ ընտրության արդյունքում կունենա տարածաշրջանային եւ մի քանի միջազգային նշանակության երկրաբանականներ»,- ասաց Արա Ավագյանը:

Խորհրդի անդամները նշեցին, որ անհրաժեշտ է առաջարկվող տարածքում հիմնել ազգային գեոդարկ եւ ստեղծել կառավարող մարմին, որում կընդգրկվեն գիտնականներ, պետական կառույցների եւ համայնքների համապատասխան մասնագետներ:

ԷԼՄԱ ՄԱՐՏԻՐՈՍՅԱՆ

ԼՈՒՐԵՐ

ԸՆՆԱՐԿՈՒՄՆԵՐ

Սույն թվականի հունիսի 7-ին ՀՀ Գիտությունների ազգային ակադեմիայում տեղի ունեցավ ՀՀ ԳԱԱ Հատուկ նշանակության հիմնախնդիրների պրոբլեմային խորհրդի անդամների նիստը: Քննարկվեցին մասնակցեցին խորհրդի անդամները ՀՀ ԳԱԱ ինստիտուտներից, Ալիխանյանի անվան ազգային գիտական լաբորատորիայի մասնագետները, «Լոկատոր» ՓԲԸ եւ «ԼՏ-ՊԻՐԿԱԼ» ՓԲԸ ղեկավարները:

Քննարկվեցին գիտական կազմակերպությունների, ԲՈՒՀ-երի եւ ռազմարդյունաբերական համալիրի ձեռնարկությունների միջեւ գիտատեխնիկական համագործակցության, պաշտպանականության ամրապնդմանը նպաստող գիտական ուղղությունների վերհանման եւ ներդրումային ծրագրերի ձեւավորման, փորձագիտական խորհրդատվության վերաբերյալ հարցեր:

Խորհրդի գործառնությունները ներառում են Հանրապետության պաշտպանության կազմակերպության ամրապնդմանն ուղղված հիմնահարցերի վերաբերյալ ներդրումային ծրագրերի ձեւավորման, վերլուծության, փորձագիտական եզրակացությունների, խորհրդատվությունների եւ առաջարկությունների տրամադրման հարցեր, պաշտպանության կազմակերպության բարձրացմանը նպաստող գիտական ուղղությունների եւ թեմաների վերհանում, քննարկումների կազմակերպում եւ զարգացման առաջարկությունների մշակում, անվտանգության հիմնահարցերի վերաբերյալ գիտական ուղղությունների եւ տեխնոլոգիական մշակումների հեռանկարների վերլուծություն, առաջարկությունների մշակում ու պետական մարմիններին ներկայացում:

Ամփոփվել են ԵՊՀ Ուսանողական խորհրդի հայտարարած մրցույթի արդյունքները: Մրցույթի երեսուն հաղթողները համապատասխան հավաստագրերը ստացել են գործընկեր «Կոնվերս» բանկի Գլխավոր գործադիր տնօրեն Անդրանիկ Գրիգորյանից «Կարաս գինիներ»-ում կազմակերպված միջոցառման ժամանակ:

ՀԱՂԹՈՂ ՈՒՄԱՆՈՂՆԵՐ

Ամփոփվել են ԵՊՀ Ուսանողական խորհրդի հայտարարած մրցույթի արդյունքները: Մրցույթի երեսուն հաղթողները համապատասխան հավաստագրերը ստացել են գործընկեր «Կոնվերս» բանկի Գլխավոր գործադիր տնօրեն Անդրանիկ Գրիգորյանից «Կարաս գինիներ»-ում կազմակերպված միջոցառման ժամանակ:

Շնորհավորելով մրցույթի հաղթողներին՝ Անդրանիկ Գրիգորյանն ասել է. «Ինչպիսին կդառնաք՝ դա առաջին հերթին Ձեր որոշումն է եւ կամքը՝ իրականացնելու ապագայի Ձեր տեսլականը: Այս տեսլականից «Կարաս գինիներ»-ում միջոցառման կազմակերպումը պատահական

չէ: Եղուարդը եռնելյանը, կյանքի կոչելով Հայաստանում ներդրում կատարելու որոշումը, հեղաշրջում կատարեց հայկական գիտագործության ոլորտում: Այն, ինչ տեսնում եք, գիտագործության ոլորտում միջազգային լավագույն ավանդույթների, փորձառության ներդրման եւ գրագետ մտտեցման արդյունք է: Կրթվեք, եղեք գրագետ մասնագետ, ընդունեք որոշում եւ քայլ առ քայլ կյանքի կոչեք Ձեր երազանքը՝ սա է մեր խորհուրդը Ձեզ»:

ԵՊՀ Ուսանողական խորհրդի ներկայացուցիչները շնորհակալություն հայտնեցին «Կոնվերս» բանկին եւ պարոն Գրիգորյանին՝ կարեւորելով աջակցությունը կրթությանը ոչ միայն ֆինանսական, այլեւ կրթական համատեղ նախագծերի իրականացման տեսանկյունից:

Հավաստագրերի հանձնմանը հաջորդեց հյուրասիրություն եւ շրջայց խաղողի այգիներում ու գինու գործարանում:

Նշենք, որ մրցույթը հայտարարվել էր ԵՊՀ Ուսանողական խորհրդի 30-ամյակի եւ «Կոնվերս» բանկի 30-ամյակի միջոցառումների շրջանակում: Դրան մասնակցել են ԵՊՀ բակալավորի 1-3-րդ կուրսերի բարձր առաջադիմությամբ ուսանողները, ովքեր ներհամալսարանական ու արտահամալսարանական բարձր հասարակական ակտիվություն են ցուցաբերում:

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 43 պատահար. 1 մարդ զոհվել է, 57-ը՝ տացել տարբեր աստիճանի մարմնական վնասվածքներ:

ԼՈՒՐԵՐ

ԼԻԶԵՆԳ՝ 1% ՏՈՒՆԱՊՐՈՒՅՔՈՎ

«Ալբա լիզենզի» եւ «Էսզեթ Ֆարմա» ընկերության համագործակցության շնորհիվ...

«Ալբա լիզենզի» ու «Էսզեթ Ֆարմա» համագործակցում են երկար տարիներ: Այսօր համագործակցության հուշագիր ստորագրեցինք...

«Այսօր ստորագրեցինք հուշագիր մեր բազմամյա գործընկեր «Ալբա լիզենզի» հետ այն հույսով, որ կկարողանանք...

ՀԱՍԱՐԱԿԱՅՆՈՒԹՅԱՆ ԾԱՆՈՒՑՈՒՄ

Շրջակա միջավայրի նախարարության Ջրային ռեսուրսների կառավարման վարչության կողմից...

Բոլոր շահագրգիռ անձինք, որոնք կցանկանան ծանոթանալ փաստաթղթի մշակման...

Ծանուցմամբ ներկայացված փաստաթղթի նախագծի նախնական տարբերակի վերաբերյալ...

Շրջակա միջավայրի նախարարություն

ՆՈՐ ՇՈՒՆՉ

ԲԻԶՆԵՍ ԿՐԹՈՒԹՅԱՆ ԽԹԱՆՈՒՄ

CaseKey ակադեմիայի բացումը նոր շունչ է խոստանում հաղորդել բիզնես կրթությանը...

CaseKey-ի համահիմնադիր Արշակ Կարապետյանի խոսքով՝ Ակադեմիան հնարավորություն կտա...

Վստահելով CaseKey-ի թմին եւ հաշվի առնելով տարիների արդյունավետ համագործակցությունը՝ Team Telecom Armenia-ն դարձել է Ակադեմիայի գործընկերը:

Team-ի գլխավոր տնօրեն Ջայկ Եսայանը հյուրերին հետ կիսվեց ընկերության IPO-ի իրականացման եւ խոսեց նման խոշորամասշտաբ նախագծերի ընթացքում թիմային աշխատանքի ու առաջնորդության կարեւորության մասին:

«Որպես տեղեկում ուղրտի առաջատար ընկերություն՝ Team Telecom Armenia-ն շարունակելու է ներդրումներ կատարել կրթության մեջ եւ գործակցել առաջատար ընկերությունների ու կազմակերպությունների հետ՝ տրամադրելու լավագույն հնարավորությունները մեր երիտասարդներին»:

Ակադեմիան CaseKey միջոցով կրթական բաղադրիչն է, որի ծրագիրը մշակվել է ԱՄՆ Հյուսիսային Կարոլինայի պրոֆեսոր եւ համալսարանի բիզնես խնդիրների լուծման թիմի գլխավոր մարզիչ Պիտեր Վերիպեյի հետ համատեղ, ով նաեւ վարելու է ամբողջ կրթական ծրագիրը:

«Այս ծրագիրը Հայաստանի ուսանողներին կտա հնարավորություն գինվելու գուրբալ բիզնեսի վերլուծության հմտություններով, կատարելագործել իրենց փորձառությունը եւ կատարել նախադրյալներ վաղվա լիզենզի դառնալու համար:



Շնորհակալություն եմ հայտնում Team Telecom Armenia-ին ուսանողներին այս հնարավորությունը ընձեռելու համար»,- նշեց Պիտեր Վերիպեյը:

Ակադեմիայի դասընթացներին մասնակցելու հետաքրքրությունն այնքան մեծ է եղել, որ կազմակերպիչները ավելացրել են նաեւ հեռավար դասընթացների ձեռնարկը: Երկամսյա ինտենսիվ ուսուցմանը նախատեսված 100-ի փոխարեն մասնակցելու է 190 ուսանող Հայաստանի տարբեր համալսարաններից: Պրոֆեսոր Վերիպեյը աշխատելու է նաեւ տեղացի մարզիչների հետ՝ փոխանցելով իր միջազգային փորձը եւ կիսվելով արդյունավետ մարզչական տեխնիկաներով: Ծրագրի ավարտին թիմերը պետք է լուծեն իրական բիզնես խնդիր:

Տեղեկում Արմենիա ԲԲԸ-ն (ապրանքանիշը՝ Team Telecom Armenia) հայկական ընկերություն է, որը առաջատար դիրք է զբաղեցնում երկրի հեռահաղորդակցության եւ տեղեկատվական տեխնոլոգիաների ոլորտներում: Հանդիսանալով Հայաստանում առաջին տեղեկում ցանցի ժառանգորդը՝ ընկերությունը ունի ուղրտում ծառայությունների մատուցման ավելի քան 100 տարվա պատմություն: Team-ը տրամադրում է բջջային եւ ֆիքսված ինտերնետի, թվային հեռուստատեսության, բջջային եւ ֆիքսված հեռախոսակապի ծառայություններ թե՛ անհատ, թե՛ կորպորատիվ բաժանորդներին:

Հայաստանի բոլոր բնակիչներին բարձրորակ հեռահաղորդակցության ծառայությունների մատուցումը Team Telecom Armenia-ի նպատակն է: Դրան հասնելու համար ընկերությունն անընդհատ արդիականացնում ու վերազինում է բջջային եւ ֆիքսված ցանցերը, գործարկում նոր միջազգային կապուղիներ, որոնք նաեւ բարձրացնում են Հայաստանում ինտերնետի հուսալիության եւ անվտանգության մակարդակը:

ՀԱՅՏԱՐԱՐՈՒԹՅՈՒՆՆԵՐ

ՀԱՏՈՒԿ ԱՌԱՋԱՐԿ՝ «ԱՄԵՐԻԿԱՆԿԻՑ»

Կարեւորելով Հայաստանի տնտեսական ներուժի բացահայտումը, մարզերում բիզնեսի եւ անհատների համար նոր հնարավորությունների ստեղծումն ու դիմափոխումը՝ «Ամերիկանկ» երկրորդ տարին անընդմեջ իրականացնում է հատուկ նախագիծ՝ նախատեսված մարզերում գործող ընկերությունների եւ անհատ աշխատակիցների համար: Արշավի շրջանակում այն ընկերությունները եւ անհատները, որոնք կդառնան «Ամերիկանկի» հաճախորդ եւ կսկսեն իրենց աշխատավարձը ստանալ «Ամերիկանկի» քարտով, կունենան մի շարք արտոնություններից օգտվելու հնարավորություն:

Մասնավորապես, մարզային ընկերությունները փաթեթի շրջանակում կարող են անվճար բացել ցանկացած արժույթի բանկային հաշիվներ, ստանալ Visa

Business տեսակի անվճար քարտ, անվճար ակտիվացնել եւ կառավարել հաշիվները ինտերնետ բանկինգ համակարգի միջոցով: Ընկերության ղեկավարներին անվճար կտրվեն Visa Platinum եւ Visa Gold պրեմիում դասի, իսկ աշխատակիցներին՝ Visa Classic տեսակի աշխատավարձային քարտեր: Այդ քարտերով հնարավորություն կտրվի կատարելու անվճար կանխիկացում ՀՀ բոլոր բանկերի բանկոմատներից, իսկ քարտով անկանխիկ գործարքներ կատարելու դեպքում ստանալ 1% մինչեւ 3000 ՀՀ դրամ հետվճար:

«Մեզ համար առանցքային նշանակություն ունեն մարզերի համաչափ զարգացումն ու տնտեսական ակտիվությունը, բիզնեսին աջակցությունն ու մարզերի բնակիչների համար լավագույն պայմանների ստեղծումը: Նմանատիպ նախաձեռնությունների միջոցով մենք փորձում ենք առավելագույն օգնել բիզնեսին բացահայտել իր ներուժը, գտնել զարգացման լավագույն ուղիները եւ նպաստել նրանց կայացմանը», - նշել է «Ամերիկանկի» մասնաճյուղային ցանցի եւ կոնտակտային

կենտրոնի ծառայության ղեկավար Անդրանիկ Կաչատրյանը:

Նշենք, որ մարզային աշխատավարձային հատուկ առաջարկը գործում է ոչ միայն իրավաբանական, այլեւ ֆիզիկական անձանց համար, որոնք աշխատում են մարզերում, ցանկանում են դառնալ «Ամերիկանկի» հաճախորդ եւ ստանալ իրենց աշխատավարձը «Ամերիկանկի» քարտով: Արշավի մանրամասները՝ բանկի կայքում:

Առաջարկից օգտվելու համար հաճախորդները պետք է մոտենան «Ամերիկանկի» ցանկացած մասնաճյուղ մինչեւ սեպտեմբերի 30-ը ներառյալ: Մանրամասները՝ տեսանյութում:

ՀԱՅՏԱՐԱՐՈՒԹՅՈՒՆ

Ես՝ Աննա Նորիկի Շաբոյան, 2022 թվականին Վարդենիսի տարածքում կորցրել եմ թիվ HM000176 դիպլոմ: Գտնողին խնդրում եմ զանգահարել 093 20 95 42 հեռախոսահամարով:

«Տողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ՖԻԼՄԸ ԶՐԱՊԱՐԱԿՎԵԼ Է

«ԼԻՆԵԼ ՄԱՐԴ. Ռ. ՎԱՐԴԱՆՅԱՆԻ ՄԱՆԻՖԵՍՏԸ»

Ռուբեն Վարդանյանի ընկերների կողմից դասրասված, նրա հեռուստա-դարհ անցած հայտնի անձանց միջոցով Ռուբեն Վարդանյան մարդուն, վիզիոներին բացահայտող, նրա գաղափարների ու ծրագրերի մասին դասաճող «Լինել մարդ. Ռուբեն Վարդանյանի մանիֆեստը» ֆիլմը բավականին մեծ ուժարության է արժանացել ինչպես Հայաստանում, այնպես էլ արտերկրում: Այն հնարավոր է դիտել այս հղումով՝ [huyterin.am](#) և անգլերեն ենթագրերով:



թյան մեջ չկա որեւէ «ընդդեմ» ուղերձ, նրա ուղերձը «հասուն է»: Ստեղծել, կատարելագործել, գտնել փոխզիջումներ»,- պատմել է Վարդանյանի գործընկեր Միխայիլ Բրոյմանը:

«Նա իրեն նվիրել է մարդկանց ու ծառայությանը: Նա այն մարդն է, որը դա անում է ամբողջ կյանքում:

Ռուբեն Վարդանյանը, ինչ-որ պահի, լի-նելով բացարձակապես կայացած մարդ, որոշեց, որ այն ամենը, ինչ ունի, ինչ ստեղծել է եւ այլն, երկրորդական է, որ հարստությունն անցողիկ է, քանի որ կյանքում կան բաներ, որոնք սահմանում են թո գոյության իմաստը: Եվ նա հենց այդպես էլ վարվեց: Այդ ծառայությունը կարելի է, այն կյանքում առաջնային է: Ցավով, սա շատ քչերն են հասկանում»,- նշել է կինոռեժիսոր Կարեն Գետրոյանը:

Նախաբանում ֆիլմի հեղինակները նշում են. «Այս ֆիլմը մենք Ռուբենից գաղտնի ենք ստեղծել: Եթե նա իմանար այս գաղափարի մասին, հավանաբար մեզ խորհուրդ կտար, որ մեր ժամանակն ու ջանքերն այլ տեղում օգտագործենք, բայց այստեղ մենք չենք համաձայնի նրա հետ: Ռուբենի մասին այս իրազեկված մարդկանց պատմության միջոցով, նրանց, որոնց հետ ճակատագիրը նրան միավորել էր, մենք փորձեցինք ցույց տալ, թե ինչի կա-»

րող է հասնել մարդը, եթե նրա ներսում, ինչպես հենց Ռուբենն է ասում, միջուկա-յին ռեակտոր է: Երբ այն ամենը, ինչ այդ մարդն ունի, ծառայեցնում է ուրիշների համար եւ հավատարիմ է մնում իրական մարդկային արժեքներին: Մարդկանց ծառայելու ցանկությունը, նրանց, ովքեր խիստ կարիքի մեջ են, դրդեց Ռուբենին տեղափոխվել Արցախ: Նա հիմնախորհրդն գիտակցում էր իր կայացած որոշման բո-լոր ռիսկերը, բայց այլ կերպ վարվել չէր կարող: Թե ինչ եղավ վերջնաորոշումը, բոլորս գիտենք»:

Ֆիլմը եզրափակվում է այս տարվա մա-յիսին «Ավրորա» մրցանակաբաշխության կապակցությամբ Ռուբեն Վարդանյանի՝ Բաքվի բանտից փոխանցված ուղերձով. «Ես վստահ եմ, որ միասին կարող ենք շատ բան անել՝ աշխարհը բոլորի համար ավելի լավ եւ ավելի բարի վայր դարձնելու համար: Ինչպես Մարգարիտ Բարանկի-ցեն է ասում. «Սերը միշտ հաղթում է»: Ու-րեմն թող հաղթեն սերն ու արժեքները: Եվ թող մենք բոլորս տանք ավելին, քան եր-բեւէ կարող ենք հուսալ, որ կստանանք դրա դիմաց: Եվ թող յուրաքանչյուր ոք հասնի դեպի լավը տանող մեծ փոփոխու-թյունների»:

ՀՈՐԻ ԲԱՂՈՍԱՍՐՅԱՆ

ՄԱՐԶԱԿԱՆ

ՀԱՆԴԵՍ ԿԳԱ ՀԱՅԱՍՏԱՆԻ ԳՐՈՇԻ ՆԵՐՔՈ

Թեմիսի WTA վարկանիշային աղյու-սակի 78-րդ համար էլինա Ավանեսյանը հանդես կգա Հայաստանի դրոշի ներ-քո:

Էլինա Ավանեսյանը ծնվել է Ռուսաս-տանի Պյատիգորսկ քաղաքում 2002 թվականին: WTA վարկանիշային աղ-յուսակում նրա ամենաբարձ տեղը եղել է 60-րդ հորիզոնականը՝ 2024 թվականի փետրվար ամսին: Օրեր առաջ ավարտ-ված Ֆրանսիայի բաց առաջնությունում նա հասել է մինչև 4-րդ շրջան:

ՓՈԽՀԱՏՈՒՑՈՒՄ ՊԵՏՔ Է ՎՃԱՐԻ

Սաուդյան Արաբիան ներկայացնող «Ալ Իթիհադը» ստիպված է 30 միլիոն դոլար փոխհատուցում վճարել գլխա-վոր մարզիչ Մարսելո Գալյարդոյին եւ նրա շտաբի անդամներին, հայտնում է Marca-ն:

Ակումբն արգենտինացի մասնագե-տին գլխավոր մարզիչ էր նշանակել 2023/24 մրցաշրջանի ընթացքում, սա-կայն առաջնության ավարտից երեք տուր առաջ նրան պաշտոնազրկել արեց:

Գալյարդոն նույնիսկ հեռացումից հե-տո շարունակել է մարզել «Ալ Իթիհա-դը», քանի որ մինչև 2025 թ. հունիսի 30-ը գործող պայմանագիր ունի եւ դրա խզման հարցում համաձայնության չի հասել ակումբի հետ:

Նոր մարզիչ նշանակելու համար «Ալ Իթիհադը» պետք է Գալյարդոյին ու նրա շտաբի բոլոր 7 անդամներին միա-սին 30 միլիոն դոլար փոխհատուցում վճարի:

Կողմերը պայմանագրի խզման հա-մար դեռ որեւէ փաստաթուղթ չեն ստոր-գրել: 48-ամյա Գալյարդոն պատ-րաստվում է ակումբը մարզել նաեւ հա-ջորդ մրցաշրջանում:

«Ալ Իթիհադը» Սաուդյան Արաբիայի Պրո լիգայի ավարտված առաջնությու-նում 54 միավորով զբաղեցրել էր 5-րդ տեղը՝ չկարողանալով պաշտպանել չեմպիոնի տիտղոսը:

ՄԵՆԱՄԱՐՏ ԿԱՆՑԿԱՑՆԻ

Պրոֆեսիոնալ բռնցքամարտի 8 քաջային կարգերում աշխարհի նախ-կին չեմպիոն Մենի Պակյաոն հուլիսի 28-ին Super Rizin 3-ի շրջանակներում ցուցադրական մենամարտ կանցկաց-նի, հայտնում է մրցաշարի մամուլի ծա-ռայությունը:

45-ամյա ֆիլիպինցու մրցակիցը կլի-նի այդ մրցաշարի կիսաթեթե քաջա-յին կարգի գործող չեմպիոն, ճապոնա-ցի 25-ամյա բռնցքամարտիկ Չիհիրո Սուզուկին: Մենամարտը տեղի կունե-նա ճապոնիայի Սայտամա քաղաքում, բաղկացած կլինի երեք ռաունդից եւ կանցկացվի հատուկ կանոններով:

Պակյաոն մարզական կարիերան ավարտելու մասին հայտարարել էր 2021 թվականի օգոստոսին՝ կուբացի Յորդենիս Ուգասին պարտվելուց մեկ ամիս անց:

Ֆիլիպինցին պրոֆեսիոնալ ռինգում անցկացրել է 72 մենամարտ, տարել 62 հաղթանակ, պարտվել 8 անգամ եւ գրանցել 2 ոչ-ոքի:

«ՀՈՒՍՈ ԱՌԱԳԱՍՏ»

ՀԱՐԹԱԿ՝ «ՆՈՐԵԿՆԵՐԻ» ՀԱՄԱՐ

Մեկնարկել է «Հուստ առագաստ» հե-ղինակային երգի միջազգային փառա-սոնը: Այս անգամ ես փառասոնը կըն-թանա 3 փուլով՝ նախընտրական, ըն-տրական եւ սեանյան:

Նախընտրական փուլի հայտերն ըն-դունվում են մինչև հունիսի 20-ը: Դիմել կարող են ինչպես հեղինակ-կատարողնե-րը, այնպես էլ այլ հեղինակների ստեղծա-գործությունները սեփական մեկնաբանու-թյամբ կատարող անձինք: Նախնական ընտրությունն անցած հայտատուները կմասնակցեն ընտրական փուլին, որը կկայանա հունիսի 28-ին «Մետրո» թատ-րոնում: Համերգի ընթացքում ժյուրիի ան-դամները կընտրեն լավագույններին,

որոնք եւ հնարավորություն կստանան մասնակցել փառատոնի սեանյան փու-լին: Մասնակիցների կացության եւ սևնդի ծախսերը կապահովվեն փառատոնի կող-մից:

Փառատոնի սեանյան փուլը կներառի երկու համերգային օր եւ տեղի կունենա հուլիսի 19-ից 21-ը՝ Գեղարքունիքի մար-զի Շորժա գյուղին հարակից «WishUp» հանգստյան գոտում:

Համերգներին կմասնակցեն ընտրա-կան փուլի արդյունքում ձեւավորված 2024 թվականի, ինչպես նաեւ նախորդ տարիների «Լավագույն տասնյակների» ներկայացուցիչները, արտերկրից ժամա-նած հյուրերը եւ ավագ սերնդի արդեն հայտնի ու սիրված երգահանները: Հուլի-

սի 20-ի գալա համերգային ծրագիրը կամփոփվի հավաստագրերի, շնորհակա-լագրերի ու խորհրդանշական նվերների հանձնման հանդիսավոր արարողու-թյամբ:

Փառատոնը կազմակերպվում է 2015 թվականից եւ նպատակն է հայտնաբերել սկսնակ հեղինակ- կատարողներին ու խթանել նրանց ստեղծագործական գոր-ծունությունը, տրամադրել բեմ, ինչպես նաեւ ստեղծել մշակութային միջավայր՝ հեղինակային երգի սիրահարների ու եր-գահանների միջև շփման համար:

Հիշեցնենք, որ փառատոնը կազմակեր-պել են «Սիվիլ արտ» մշակութային հա-սարակական կազմակերպությունը եւ Բարդերի ակումբը:

● Հունիսի 15-ին՝ ժամը 19:00-ին, Ղափլանյանի անվան դրամատիկական թատրոնում տեղի կունե-նա «Վերջին ծաղրածուն» կատակերգությունը: Տոմսերի արժեքը՝ 2000-4000 դրամ:



ՍՈՑԻԱԼԱԿԱՆ

ՀԱՐՑ. Խնդրում եմ ասել՝ ովքեր ունեն նախկին ԽՍՀՄ Խնայքանի ՀԽՍՀ հանրադատական բանկում ներդրված ավանդների փոխհատուցում ստանալու իրավունք: Ո՞րն է սրվում առաջնահերթություն:

Սիրան Հակոբյան (42 տարեկան)



ՊԱՏԱՍԽԱՆ. Նախկին ԽՍՀՄ Խնայքանի ՀԽՍՀ հանրապետական բանկում ներդրված ավանդների փոխհատուցում ստանալու իրավունք ունեն մինչև 1936 թվականի դեկտեմբերի 31-ը ներառյալ ծնված, Հայաստանի Հանրապետության պաշտպանության մարտական գործողություններին մասնակցելու կամ մարտական հերթապահություն կամ հատուկ առաջադրանք կատարելու ժամանակ զոհված (մահացած) զինծառայողների կամ կամավորականների կամ անհայտ կորածների անունով ներդրված ավանդը ժառանգած, ինչպես նաև մարտական գործողությունների հետևանքով չօգտագործվող եւ հակառակորդի կողմից հողատարածքների գնդակոծման դեպքեր ունեցող, Հայաստանի Հանրապետության սահմանամերձ համայնքներում 2014 թվականի օգոստոսի 1-ի դրությամբ հաշվառված, ինչպես նաև այդ համայնքներից զորակոչված՝ 2014 թվականի օգոստոսի 1-ի դրությամբ պարտադիր ժամկետային զինվորական ծառայության մեջ գտնված՝ անձինք՝ ՀՀ կառավարության սահմանած կարգով:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Նշենք, որ ավանդների դիմաց փոխհատուցում ստանալու իրավունք ունեցող անձինք հաշվառման նպատակով պետք է դիմեն իրենց փաստացի բնակության վայրի սոցիալական աջակցության տարածքային գործակալություն: Ավանդների դիմաց փոխհատուցում ստանալու համար դիմումը ներկայացնում է ավանդների դիմաց փոխհատուցում ստանալու իրավունք ունեցող անձը անձամբ կամ օրինական ներկայացուցչի կամ լիազորագրի հիման վրա գործող ներկայացուցչի միջոցով:

ՀԱՍԱՐԱԿՈՒԹՅՈՒՆ

ՀԱՐՑ. Ուզում եմ իմանալ, թե ինչդեպ է որոշվում բնակելի սարածության անհատույց օգտագործման իրավունքի դասական կարգով դադարեցման դեղին սեփականատիրոջ կողմից վճարվող փոխհատուցման չափը:

Ալիսա Հայրապետյան (37 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ փոխհատուցման չափը մեկ ամսվա համար սահմանվում է իրավունքի դադարեցման պահին տվյալ բնակելի տարածության համար կիրառելի վարձավճարի չափից՝ հաշվարկված հետեւյալ կերպ. յուրաքանչյուր բնակության իրավունք գրանցած անձի համար՝ բնակելի մակերեսի չափը բնակելի տարածության անհատույց օգտագործման իրավունք ունեցող անձանց եւ սեփականատերերի ընդհանուր թվի վրա բաժանելու միջոցով ստացված մակերեսը, սակայն ոչ պակաս 5 քառակուսի մետրից եւ ոչ ավելի, քան 9 քառակուսի մետրը: Փոխհատուցումը հաշվարկվում է երեք տարվա համար եւ տրամադրվում է միանգամից, եթե կողմերի համաձայնությամբ այլ բան նախատեսված չէ (ՀՀ քաղաքացիական օրենսգրքի 225-րդ հոդված):

Կադաստրի կոմիտե

«ԺՈՂՎՈՒՐԳ». Գրավ դրված բնակելի տան կամ բնակարանի վրա բռնագանձում տարածելուց եւ այդ գույքն իրացնելուց հետո գրավատուն ու բնակելի տարածության օգտագործման իրավունք ունեցող անձինք տան (բնակարանի) սեփականատիրոջ պահանջով պարտավոր են ոչ ուշ, քան մեկ ամսվա ընթացքում ազատել զբաղեցրած բնակելի տարածությունը (ՀՀ քաղաքացիական օրենսգրքի 272-րդ հոդված):

ԼՈՒՐ ԿԱԴՐ

Լուսանկարը՝ համացանցից



Բասկյան «Ռեալ Սոսյեդադի» կիսապաշտպան Արսեն Զախարյանը հեղինակավոր Transfermarkt-ի կողմից ընդգրկվել է ամենաթանկարժեք ռուսաստանցի ֆուտբոլիստների տասնյակում: 21-ամյա ֆուտբոլիստը 18 միլիոն եվրո տրանսֆերային արժեքով երրորդն է:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+ 8 + 12 +22 + 26	Արարատ	+ 16 + 18 +31 + 33
Կոտայքի լեռներ	+ 8 + 12 +23 + 26	Արմավիր	+ 16 + 18 +31 + 33
Կոտայքի նախալեռներ	+ 15 + 17 +28 + 30	Վայոց ձորի լեռներ	+ 8 + 11 +22 + 24
Գեղարքունիք	+ 10 + 13 +21 + 24	Վայոց ձորի նախալեռներ	+ 16 + 18 +31 + 33
Լոռի	+ 9 + 13 +24 + 27	Սյունիքի հովիտներ	+ 18 + 22 +29 + 32
Տավուշ	+ 15 + 17 +28 + 31	Սյունիքի նախալեռներ	+ 13 + 15 +25 + 28
Արագածոտնի լեռներ	+ 9 + 13 +21 + 24	ԼՂՀ	+ 13 + 14 +25 + 26
Արագածոտնի նախալեռներ	+ 15 + 18 +28 + 31	Երեւան	+ 23 + 25 +29 + 31

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 10.6.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետեւյալ նախադասությունը. «Շարունակությունը կարող էք
կարդալ «Ժողովուրդ» օրաթերթի այսօրվա համարում»: